



FAXED
AUG 28 2009

Cuerpo Policial Arubano
atencion di Alto Comisario sr P. de Witte
Centro di Husticia
Macuarima – Santa Cruz

Oranjestad, 28 di augustus 2009
CBB 38-09/LdS/Im

Asunto: Parada fin di siman 20 di september 2009

Apreciable sr. de Witte,

Pa medio di esaki Comision Bon Boluntad (CBB) ta desea di trese na bo atencion su preocupacion pa e eventonan publico grandi cu lo tuma lugar prome cu fecha di eleccion (25 di september). Manera por a observa durante e parada di un partido politico den e fin di siman cu a pasa, tin varios aspecto cu ta lanta preocupacion cerca CBB, sigur pa loke ta dia 20 di september, ora tin planifica dos parada grandi di partidonan politico.

CBB a tuma nota di observacion den prensa di sr. de Witte, unda a declara cu maneho di e dos paradanan aki lo por bay den forma ordena, apesar cu esaki lo no ta facil. Sin embargo, CBB ta solicita bo colaboracion pa reconsidera esaki, en vista cu e tensionnan entre e partidonan por resulta bastante grandi, y muy en particular en caso e parada di e partidonan topa otro esaki por desemboca den un situacion dificil di controla. Si acaso sr. de Witte ta considera cu e paradanan mester continua, CBB lo kier a haci e sugerencia pa permiti tur dos parada solamente un trayecto mas cortico, cu ta garantiza cu e dos paradanan ta keda na un distancia considerable for di otro.

Tambe CBB ta desea di comunica su preocupacion pa e papel cu medionan di comunicacion, especialmente radio y television, por hunga den aumenta tension especialmente na momento cu un evento ta tumando lugar y algun incidente socede. CBB ta considera importante cu autoridadnan hudicial ta actua cu man fuerte si presenta caso unda medio di comunicacion ta contribui na aumenta tension, cu tur consecuencia fatal cu esaki por tin.

Atentamente,
Na nomber di Comision Bon Boluntad


Ireneo Valdes
Vice-Presidente